

Omeza Wotikiniha

(A Pesca Milagrosa)

Mokamihedhiwa muLuka 5:1-11



Livro para novos leitores
Na língua Etakwane
Nível 1

Yesu aaligi vakuukuvi ni nyanja yo Genezareti. Oliye egi wasuuziha athu ajinjeene. Awogaga dha madhu a Mulugu. Athu yomusedhaga yafunaga ekale vakuukuvi ni oliye. Yesu ahivolowaga mmwanddeyani. Annya a mwanddeya yaali anamatota. Aliwa yahahiyaga mathavi eewa. Yesu ahiwogaga ni Simawu (mwinya a mwanddeya):

- Nisusihedhe mwanddeya mwiiko.

Yesu ahikaratigi mmwanddeyani. Wasuuzihaga athu agali mmwanddeyani.

Oliye agamalile osuuziha. Ahiwogaga ni Simawu:

- Nisusedhe volapela ni seresere ela. Ndhowe vaari va nyanja. Ndhowe wooddiha. Nikale vamohi ni akwaawo. Egafiyile wooddiha Yesu ahiwoga reyani mathavi.

Simawu ahaakula:


- Namasuuziha, nihilaba mahiyu mateene.

Nihilaba vajinji. Kanipile yego. Nneere wareya mathavi vowi muhwoga.

Yahareyaga mathavi. Yahipaga somba dhijinji. Wambeela mathavi otaleya.

Aliwa yahawithanaga akwiiwa:

- Mudhe wuno! Munikamihedhe!



Aliwa odha wakamihedha. Mathavi yahidhaalaga somba. Mwanddeya dhahidhaalaga somba. Dhahalilege vang'ono ni obwina.

Simawu ahoonaga dhatedhene nde, ahikokoraga vakuukuvi vamanyaloni a Yesu. Wiira:

- Kalani volapela ni miyo. Gili namathega.
Ginowiira dhabure. Gili othega.

Ateene yahitikinaga. Mwaha wowinjiva somba. Yesu ahaakulaga, wiira:

- Muhoove. Okuma peeno odhowa osogolo, munaakale anamameza a athu.

Aliwa yahisusihedhaga mwanddeyadha ode. Ohiya dhatedhene omuharaga Yesu.

Dhokoha:

1. Yesu aaligi nyanja ya wuuvi?
2. Mwaha wa ddi Yesu adhe agwelege mmwanddeyani?
3. Mwiinya a mwanddeya aali aani?
4. Yeereyile ddi Yesu agamalile wasuuziha athu?
5. Mwaha wa ddi Simawu adhe arumedhege waareya mathavi dila emohiya?
6. Simawu ahikokoraga, omwiirela: “Susedhani wolapela ni miyo. Gili namathega.” Simawu kamfuna Yesu? Ki vano, adhe awogege ndo?

Ficha Técnica

Título: Omeza Wotikiniha
(A Pesca Milagrosa)
(The Miraculous Catch of Fish)

Língua: Etakwane

Ilustrações: Art of Reading 2.0

Primeira edição electrónica, 2010

Produzido por: Programa da Língua Etakwane
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra

